

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka, u 2024. i 2025.godini, Federalno ministarstvo raseljenih osoba i izbjeglica objavljuje,

JAVNI POZIV

za podrška zapošljavanju/samozapošljavanju povratnika u poljoprivredi na području Bosne i Hercegovine za period 2024. – 2025. godina

I Predmet javnog poziva

Podrška povratnicima u održivom povratku kroz dodjelu sadnog i sjemenskog materijala, opreme, građevinskog materijala i poljoprivrednih mašina na prostoru Bosne i Hercegovine za period 2024. - 2025. godina.

II Cilj javnog poziva

Cilj javnog poziva je ekonomsko osnaživanje povratnika i jačanje njihovih kapaciteta u poljoprivrednoj proizvodnji stvaranjem preduslova za novostvorenu vrijednost.

III Programi javnog poziva

Programi javnog poziva su:

- 1) **Dodjela sadnog i sjemenskog materijala;**
- 2) **Dodjela plastenika i staklenika;**
- 3) **Finansiranje i sufinansiranje nabavke opreme za proizvodnju u poljoprivredi (oprema za mljekarstvo, peradarstvo, sušare, hladnjače i sl.);**
- 4) **Dodjela građevinskog materijala za stajske objekte i izgradnja višenamjenskih objekata u poljoprivrednoj djelatnosti;**
- 5) **Dodjela poljoprivrednih mašina i priključaka.**

Uz program pod rednim brojem 1), aplikanti se mogu prijaviti za **samo još jedan** od programa pod rednim brojevima 2-5.

IV Pravo učešća

Pravo učešća u javnom pozivu imaju:

- **povratnici** (fizička lica) na prostoru Bosne i Hercegovine, koji se bave poljoprivrednom proizvodnjom na najmanje jednom dunumu zemlje,
- **poljoprivredne zadruge** čiji su članovi i/ili osnivači povratnici na prostoru Bosne i Hercegovine **(isključivo za program 2) i 3).**

V Opći kriteriji i obavezna dokumentacija za aplikante

A) **Prijava aplikanta (fizičko lice) na javni poziv obavezno sadrži sljedeće dokumente:**

1. Čitko popunjenu, potpisanu i ovjerenu prijavu na javni poziv na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića broj 2., Sarajevo;
2. Uvjerenje o prebivalištu (Obrazac PBA-3 CIPS) ne stariji od tri mjeseca;
3. Potvrda o povratku ne starija od 3 mjeseca;
4. potvrda banke o otvorenom transakcijskom računu;
5. Ukoliko je aplikant vlasnik zemljišta - Uvjerenje o registrovanom poljoprivrednom gazdinstvu ili ZK izvadak - izdato od nadležnog organa u mjestu povratka;
6. Ako aplikant koristi zemljište po osnovu zakupa - posjedovni listi ili ZK izvadak i obavezno ugovor o zakupu zemljišta.

B) **Zadruga koje apliciraju na javni poziv obavezno prilažu sljedeće dokumente:**

- a. Čitko popunjenu, potpisanu i ovjerenu prijavu na javni poziv na obrascu koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića broj 2., Sarajevo;
- b. akt o registraciji zadruge izdat od nadležnog organa;
- c. uvjerenje o poreskoj registraciji (ID broj) izdato od nadležne poreske uprave;
- d. spisak članova i osnivača poljoprivredne zadruge, ovjeren pečatom zadruge, uz priložen dokaz o statusu povratnika (potvrda o povratku) za najmanje 30% članova i/ili osnivača;
- e. potvrda banke o otvorenom transakcijskom računu;
- f. potvrda banke o solventnosti računa zadruge;
- g. potvrda nadležne poreske uprave da zadruga nema duga po osnovu poreza i doprinosa.

Sva dokumentacija uz prijavni obrazac mora biti u originalu ili ovjerenoj kopiji.

VI Posebni kriteriji

Dokazi iz posebnih kriterija nisu obavezni, ali će se na osnovu istih vršiti dodatno vrednovanje aplikacija:

A) Za fizička lica:

1. Da aplikant pripada kategoriji manjinskih povratnika u skladu sa Aneksom VII Općeg okvirnog sporazuma za mir u Bosni i Hercegovini – Dejtonski mirovni sporazum (član 1.tačka 3. (d));
2. Aplikant pripada određenim kategorijama kao što su:
 - a) nezaposleni i penzioneri,
 - b) mladi do 38. godina života,
 - c) lica sa invaliditetom,
 - d) samohrani roditelji, staratelji ili hranitelji porodice,
 - e) šehidske porodice/porodice poginulih boraca.
 - f) demobilisani borci i dobitnici ratnih priznanja,
 - g) porodice nestalih lica,
 - h) bivši logoraši.
3. Broj i starosna dob članova domaćinstva aplikanta.
4. Kratak opis namjene za koju se aplicira po predmetnom programu (za programe 2., 3. i 4.)
5. Površina obradivog zemljišta kojim aplikant raspolaže.

B) Za zadruge:

1. Omjer učešća povratnika u članstvu i osnivačkoj strukturi zadruge;
2. Dokaz o prethodnoj saradnji sa povratničkim domaćinstvima (pisani izvještaj i priložene izjave povratnika – poljoprivrednika);
3. Preporuka relevantne javne institucije ili organa o ostvarenoj saradnji.

Ispunjavanje posebnih kriterija se dokazuje relevantnom dokumentacijom (rodni list, kućna lista, uvjerenje sa biroa za zapošljavanje, ček od penzije ne stariji od 3 mjeseca, rješenje o utvrđivanju invaliditeta, potvrde/uvjerenja nadležnih organa o statusu šehidske porodice, porodice poginulih boraca, demobilisanih boraca, dobitnika ratnih priznanja, porodice nestalih lica, bivši logoraši.)

Sva dokumentacija kojom se dokazuju posebni kriteriji mora biti u originalu ili ovjerenj kopiji.

VII Ograničenje učešća u ovom javnom pozivu

Fizičke osobe i zadruge koje su bile korisnici budžetskih sredstava ovog Ministarstva u ranijem periodu a koji nisu opravdali namjenski utrošak sredstava ili korisnici protiv kojih se vodi sudski postupci za povrat budžetskih sredstava, nemaju pravo prijave na ovaj javni poziv.

VIII Način izbora projekata

Izbor korisnika programa po osnovu ovog javnog poziva će vršiti posebna komisija koju imenuje federalni ministar raseljenih osoba i izbjeglica.

Komisija će razmatrati prijave u skladu sa procedurama za izbor potencijalnih korisnika, te u skladu sa odredbama ovog Javnog poziva i internim aktima.

Komisija zadržava pravo provjere tačnosti podataka iz prijave na javni poziv, te u slučaju da utvrdi da podaci nisu tačni će predmetnu aplikaciju odbaciti kao neurednu.

IX Objavljanje rang listi potencijalnih korisnika programa

Preliminarna i konačna rang lista po ovom javnom pozivu će biti objavljene na internet stranici Federalnog ministarstva raseljenih osoba i izbjeglica www.fmroi.gov.ba, a obavijest o donošenju odluka i u dnevnom listu u kojem je objavljen ovaj javni poziv.

X Dostavljanje prijava na javni poziv

Podnosilac prijave popunjava sve rubrike prijavnog obrasca, označava ponuđene opcije upita i odgovara za vjerodostojnost svih unesenih podataka. Samo potpuno uneseni podaci će se koristiti prilikom vrednovanja prijave.

Nepotpune, neuredne i neblagovremene prijave neće biti razmatrane.

Obrazac prijava za fizička lica i zadruge su dostupni na internet stranici Ministarstva www.fmroi.gov.ba, ili se može preuzeti lično u prostorijama Ministarstva na adresi Hamdije Čemerlića broj 2., Sarajevo.

Dostavljanje prijava na javni poziv se vrši **lično ili preporučenom poštom na adresu:**

Federalno ministarstvo raseljenih osoba i izbjeglica

Hamdije Čemerlića broj 2.

71000 Sarajevo

sa naznakom: Prijava na „Javni poziv za podrška zapošljavanju/samozapošljavanju povratnika u poljoprivredi na području Bosne i Hercegovine za period 2024. – 2025. godina“.

Na poleđini koverta obavezno navesti ime/naziv podnosioca prijave, tačnu adresu i broj telefona.

Rok za dostavljanje prijava je 31.12.2023. godine.

Dodatne informacije u vezi javnog poziva se mogu dobiti putem telefona: 033/294-127 ili putem e-maila: kabinet@fmroi.gov.ba

Napomena:

Prijave/molbe/zahtjevi/projekti potencijalnih korisnika sa područja Federacije BiH i Republike Srpske koji se nalaze na utvrđenim rang listama potencijalnih korisnika pomoći proisteklih iz prethodnog Javnog poziva iz programa pomoći održivog povratka - Podrška zapošljavanju/samozapošljavanju povratnika u poljoprivredi u periodu 2022. i 2023. godine“ za entitet Federacija Bosne i Hercegovine i Distrikt Brčko, broj: 03-32-3-230-2/21 od 01.11.2021. godine i entitet Republika Srpska, broj: 03-32-3-230-1/21 od 01.11.2021. se neće nastaviti realizovati nakon objavljivanja konačne rang liste po ovom Javnom pozivu.

MINISTAR

Nerin Dizdar

Broj: 03-32-3-311-1/23
Sarajevo, 28.11.2023. godine

Dostavljeno:

- Internet stranica Ministarstva
- Sektor za održivi povratak
- a/a